

DISSERTATIO MEDICA
INAUGURALIS,
DE
INFLAMMATIONE.



Digitized by the Internet Archive
in 2020 with funding from
Wellcome Library

<https://archive.org/details/b31967590>

2

DISSERTATIO MEDICA
INAUGURALIS,
DE
INFLAMMATIONE.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, SS.T.P.
ACADEMIAE EDINBURGENAE PRAEFECTI;

NEC NON
AMPLISSIMI SENATUS ACADEMICI Consensu;
Et NOBILISSIMAE FACULTATIS MEDICAE Decreto;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit
HERBERTUS BALDWIN,
HIBERNUS;

SOC. REG. MED. EDIN. SOC.

*Dum relego scripsisse pudet, quia plurima cerno,
Me quoque, qui feci, iudice, digna lini.*

OVID.

*Mibi autem dulces
Ignoscent, quicquid peccaverim stultus amici.*

HORAT.

Ad diem 12 Septemb. horâ locoque solitis.

EDINBURGI:
EXCUDEBAT C. STEWART
ACADEMIAE TYPOGRAPHUS.

1803.

DISSERTATIO MEDICA

IN AUCURIALIS

DE

WILLIAMATON

AVRIL

ANNO DOMINI

IN AUCURIALIS

D. GEORGI BARKD. S.S.T.R.

ACADEMIAE EDINBURGENSIS PRÆFECTUS

RECTOR

ACADEMIAE EDINBURGENSIS

IN AUCURIALIS

Dr. Georgi Barkd.

RECTOR

ACADEMIAE EDINBURGENSIS

IN AUCURIALIS

Dr. Georgi Barkd.

RECTOR

ACADEMIAE EDINBURGENSIS

IN AUCURIALIS

Dr. Georgi Barkd.

RECTOR

ACADEMIAE EDINBURGENSIS

Dr. Georgi Barkd.

IN AUCURIALIS

Dr. Georgi Barkd.

RECTOR

ACADEMIAE EDINBURGENSIS

IN AUCURIALIS

Dr. Georgi Barkd.

RECTOR

CN. LEARY, M.D.

AMICO AMICISSIMUS PROPTER AMICITIAM,

HANC DISSERTATIONEM

CONSECRAT

AUCTOR.

ERRATA.

- P. 3. l. 17. *pro oculi, lege oculo.*
7. - 7. *pro hoc, lege hac.*
16. - 3. *pro crassamento, lege particulis rubris.*
23. - 15. *pro cervis, lege cerris.*
24. - 9. *pro antiphlogisticis, lege antiphlogistici.*

DISSERTATIO MEDICA
INAUGURALIS,
DE
INFLAMMATIONE.

AUCTORE HERBERTO BALDWIN.

MORBOS, qui plurimis grandioribus conveniunt signis, in eandem classem nosologi colligunt. Horum vero, si alii iterum in causa proxima congruant, si sæpius ab iisdem causis excitantibus oriantur, si corpus propter similem quemdam statum illis fiat proclive, si potius, denique, propter partis affectæ, quam propter affectionis proximâ suâ naturâ diversitatem, discrepent, hi affinitate propiores, locos in eodem ordine jure
A tenent.

tenent. Phlegmasiæ omnes hanc affinitatem habere videntur ; ideoque, a celeberrimo Cullen, in eundem ordinem, cujus hæc definitio est, colliguntur.

“ Febris fynocha ; phlogosis ; veld olor topicus, simul læsa partis internæ functione ; sanguis missus, et jam concretus, tunicam coriaceam albam ostendens.”

Tanta, morborum, quos hæc definitio complectitur, similitudo pro ratione est cur generalia quædam de illis auctores plurimi doceant. Nostrum sit hæc colligere.

Ex Culleni definitione jam datâ, duo in quavis phlegmasiâ perpendenda esse videntur ; affectio scilicet topica, atque affectio generalis, sive pyrexia. Aliquando equidem harum prior absque pyrexia adest ; talis autem, in classe localium, morbus locum teneat oportet ; quippe qui sub Culleni definitione minime cadit. Lis inter
medicos

medicos viget utrum, in quavis phlegmasia, affectio topica generalem, vel generalis topicam gignat. Sed antequam ad hanc litem venio, utriusque affectionis signa separatim esse proferenda videntur.

Partis inflammatae rubor semper augetur; calor ipsius ad calorem partium juxta cor se attollit; dolor sæpissime urget; aliquando, vero, in pulmonum inflammatione, potius anxietas, quam dolor adesse refertur; hoc autem, nisi quando gangrænæ magna est proclivitas, raro accidit; semper partis inflammatae moles aliquid incrementi patitur; molis vero, aliquando in fastigium elevatur, dum eodem tempore, tumor circumscriptus, rubor vividus, atque dolor sæpe pulsatilis est; aliquando molis augmentum, microscopio sat licet evidens, nudo oculi vix detegendum; color tunc rubicundus, pressione disparsens; inflammationis ambitus inequalis, serpens; dolor urens. Quæ indiciis prius narratis insignitur inflammatio sæpius in abscessum abit;

quæ

quæ posterius in phlyctænas, cuticulæ squamulas, gangrænamque ipsam. Speciei priori fedes est in vasis subcutaneis, quibus cum tela cellulosa, prope quæ jacet, communicatio ; hinc ibi fit effusio feri. Postera vasa cutis externa afficit : hæc, quippe quæ cum rete mucoso solummodo communicant, atque ipsa sunt omnino parva, non nisi parcam effusionem et tenuem, quæ ad cuticulæ sublevationem sufficiret, sinunt. Unum Cullenus phlegmon, alterum erythema nuncupat.

Non in externis solummodo, sed etiam in partibus quibusdam internis, veluti in ventriculo, et intestinis, hoc discrimen, quoad inflammationis speciem, obtinet. Jam vero, quum, homine adhuc spirante, nihil de partium internarum affectionibus, oculis monemur, operæ pretium erit inquirere, quibus signis inflammatio interna detegenda sit. Si aliquando viscus quoddam dolore fixo afficiatur ; si ipsius officium vel malè perficiatur vel omnino desinat ; si pyrexia cum pulsu duro

duro adfit ; atque sanguis missus, post coagulationem, tunica coriacea alba obducatur, tunc sæpius nihil dubii sive de inflammationis præsentia, sive, alicui anatomiae, et physiologiae experto, qui, doloris situi atque functioni læsæ animum intendit, de inflammationis sede, existere potest. Aliquando autem haud adeo facile est inflammationis detegere sedem ; non semper enim sola pars inflammata dolore plectitur, nec solum semper ipsius officium vel turbatur vel impeditur ; quinimo sectio cadaverum atque observatio docent, partem unam dolore, et functionis læsione affici, quando pars omnino altera inflammationem patitur. Hinc, ut exemplum exhibeam, ventriculus in nephritide, dolore, et officii perturbatione sæpe laborat. Hinc, in hepatide, hepate ipso parum dolente, humerus dexter dolore, pulmones tussi et dyspnœa, diaphragma singultu atque ventriculus vomitu vexantur. Quæ cum ita sint, aliquando ægre, aliquando nullatenus sedes inflammationis definite detegenda est. Hoc vero solatium sit, quod in plerisque

risque phlegmasiis, methodus medendi vel similis sit, vel saltem quoad minora quædam solummodo discrepat. Huic equidem legi cynanche maligna morem minime gerit. Morbus autem ille ab aliis, præter scarlatinam anginofam, facile dignoscendus est. Notatu insuper dignum videtur quod etsi, parte una inflammata, altera aliquando dolore afficiatur, atque functionis impedimento nihilominus partes semper ferme eadem, in eodem morbo, atque iisdem cum symptomatis plectantur, nec in alio ullo morbo eadem est signorum combinatio invenienda. Phlegmasias omnes præsertim internas pyrexia sæpius comitatur; aliquando autem, ut in ophthalmia, imo et in hepatitide chronica, in gastritide, et enteritide erysipelatosa, pyrexia vel lenis omnino, vel nonnunquam nulla est. De pyrexia signis nec melius loqui possumus, nec amplius loquamur necesse est, quam Cullenus hac definitione: “ Post horrorem, pulsus frequens, calor major, plures functiones læsæ, viribus artuum præsertim imminutis.”

Jam

Jam de connectione, in phlegmasiis, pyrexiam inter et affectionem topicam loquendum est. Quibusdam priorem a posteriori, aliis a priori posteriorem ortum ducere placet. Quum causa nunquam effectui posterior est, si affectio una alteri semper præcederet, nihil de hoc re dubii foret; res autem aliter se habet, utraque etenim affectio sæpius simul aggreditur. Aliquando vero secus accidit; in phlegmone, pyrexia, quando adsit, inflammationem cutaneam sequitur. In ophthalmia pyrexia sæpius abest; si autem inflammatio, ab oculi partibus altioribus ad profundiores forsitanque ad ipsum cerebrum serpat, ægrum pyrexia adoritur. Præterea pyrexiae vis viribus inflammationis topicæ adæquatur. Omnem mutationem in affectione locali, mutatio consentanea in pyrexia vel comitatur vel excipit. Hinc, quando etiam absque remedio ullo generali, inflammatio resolutione finitur, pyrexia omnino decedit; quando suppuratione, nisi pus cito ejiciatur, febris hectica sequitur; quando gangræna,

gangraena, summa debilitas, cum pulsu debili, parvo, irregulari, mutationis indicia adfunt. Insuper pyrexia quam saepissime et gravissime absque inflammatione locali, inflammatio localis, si modo gravis sit, vel partem sensibilem aggrediatur, vix unquam absque pyrexia invenitur.

Huic historiae phlegmasiarum, quaedam exceptiones accidisse feruntur, duo scilicet exempla, quibus gangraena supervenit, produntur; quorum in altero gastritis absque dolore vel pulsu duro, in altero cum dolore acuto, sed absque pyrexia, extitit.

Inflammationis Terminationes.

Si aliquando inflammatio, nulla vasorum ruptura facta, decedat, tunc resolutione terminari dicitur; quomodo arte resolutio promovenda sit, postea dicendum. Natura hunc exequitur finem vel per effusionem ex vasis inflammatis,
aut

aut aliquando a parte quadam procul sita ; vel sæpe aucta glandis cujusdam secretionis, five glandula ipsa laborabat, five pars quædam vicina ; vel denique auctis adeo viribus circulationis, ut sanguinis copia insolita a vasis inflammatis in alia, in ipsumque denuo cor propellatur. Non, in plerisque exemplis, alius resolutione magis optandus inflammationis exitus ; illamque ita exituram esse sperandum, si a causa non nimium gravi sit orta inflammatio, si calor atque dolor aliquatenus leves sint, si votis remedia adhibita respondeant, si, postremo, aliarum signa terminationum, postea dicenda, minime adsint. Inflammatione per resolutionem exeunte, pari passu pyrexia decedit, iterum equidem reditura, si inflammatio vi pristina iterum rediverit, in omne autem abeuns ævum, si inflammatio abiverit nunquam reversura. Alter inflammationis exitus, et ipse aliquando non fugiendus, suppuratio dicitur ; quæ cum accidit, vasa partis inflammatae rumpuntur ; proptereaque cavitas semper fit, major quandoque, quandoque

B

minor,

minor, cui nomen abscessus, quæque semper pure plena est. De puris generatione multum locuti sunt medici; quibusdam placuit pus a ferro provenire effuso, cujus partes tenuiores absorptione resumuntur, dum magis crassæ fermentatione mutantur; hæc doctrina jam fugata est. Pus etenim, nulla stagnatione vel absorptione præcessa, a parte ulcerata sæpe provenit. Celeberrimus Hunter aliam de puris ortu sententiam tuetur. Sæpe ille vasa in lymphâ effusâ genita detexit; quibus sat verisimile ipsi videbatur, pus formari. Homeus hanc sententiam sequenti exemplo firmat. Viro propter herniam strangulatam, quam Intestinorum inflammatio exceperat, mortuo, vasa in lymphâ effusâ genita inveniebantur, etsi, pridie inspectis intestinis nihil tale apparuit. Nimium foret in hujusmodi dissertatione, omnia quæ huic sententiæ favent, narrare; potius quibus signis a muco pus distinguendum est memoremus. Pus, microscopio inspectum, speciem globulosam exhibet, mucus nihil tale; Mucus muriate hydrargyri

drargyri coagulatur, pus nullatenus ; mucus tenax, pus fragile est ; mucus recens saltem aquâ levior, pus, aëre omni expers, gravius ; pus denique odorem quemdam putidum habet, quo mucus caret.—Quum partis diu, absque resolutionis indiciis, inflammatio persistit, dolorque ipsius fit pulsatilis, suppuratio tunc expectanda. Quum, autem, dolor ferme, vel omnino decesserit, quum illum exceperit sensus ponderis, et fluctuationis, quum calor partis nimium urgere desiverit, quum denique febris hectica, crebris cum horroribus, sudoribusque nocturnis supervenerit, suppurationem accidisse non diutius dubium est. Inflammationis alius est exitus, gangræna scilicet, sive partis mors—Gangrænam semper cavere, semper perhorrescere medicum decet ; illamque provenisse sciet, doloris subita remissione, partis mollitie, atque vel livore, vel nigritie, et frigore et fœtore, ortuque ibi phlyctenarum. Aliquando pars, propter inflammationem, præsertim quæ levis fuit, mortua, fit nigra, dura, sicca ; neque, hæc dum progrediantur,

tur,

tur, ulla accidit remissio doloris ordinarii, ardentis.

Huic gangrenæ speciei, quæ sæpius in fenum digitis evenit, Sagar atque Sauvages necrosis nomen tribuunt. Dum pars inflammata gangrænæ prædæ est, pulsus fit parvus, debilis, irregularis, frequens; vires quam maxime imminuuntur; corporis superficies sudore viscido, partiali irrigatur; vultusque miserabilis, præsertim si gangræna interna fuerit, mortis nuncius adest. Inflammationi pulmonum, effusio sanguinis in telam cellulofam, quæ cellulas aërias circumvenit, sæpe finis est; partesque glandulosæ, propter inflammationem, schirro, seu tumore duro, minime dolente afficiuntur.

CAUSÆ REMOTÆ.

Inflammationis causa prædisponens, seu corporis conditio illa, qua fit inflammationi proclive,

clive, habitus est plethoricus; five ille cum laxitate, ut in proclivibus cynanchi malignæ; five cum robore, ut in pneumoniae proclivibus videre est, jungatur. Causæ remotæ excitantes ad quatuor capita referendæ sunt, 1^{mo}, ad Irritantia Chemica, 2^{do}, ad Irritantia Mechanica, 3^{tio}, ad nimium auctas, stimulo quodam generali, vires circulationis; 4^{to}, ad frigoris, vel caloris sævi effectus. Omnia chemice irritantia hic enumerare superfluum foret. Gas oxygenium purum inhalatum, ita forsan agendo, pulmonum inflammationem excitare dicitur; aër, quoque, atmosphericus, in partes cute viduas agens, chemica sua irritatione ibi inflammationem excitat. Irritantia mechanica sunt omnia, quæ partem fauciant, comprimunt, collidunt, vel nimia distensione lacerant. Stimulantia generalia, quæ vim circulationis nimium augent, sunt valida exercitatio, liquores spirituosissimi, et alia quædam in ventriculum sumpta, quæ tum propter vires proprias, tum maxime propter organi sensibilitatem, latamque sympathiam,

thiam, totum corpus excitant. Calor inter chemice irritantia forsitan enumerandus foret; quippe qui, si modo gravis sit, partis structuram lædit, atque compositionem mutat. De frigoris ad excitandam inflammationem, viribus, multum discrepant Medici. Alii volunt illud vi duplici, stimulante, scilicet atque sedativa potiri. Alii hoc ineptiæ ducunt. His etenim frigus, caloris abstractio esse videtur; neque quo modo stimulantis abstractio ipsa stimulare possit, intelligunt. Astutiæ, autem, metaphysicæ facta semper præponenda sunt; factisque constat, frigus inflammationem excitare, ut quis, qui, ipso calefcente, cyathum aquæ frigidæ hauriet, gastritide statim percussus, testabitur. Neque valet objectio illa, qua asseritur, non ipsum frigus, sed calorem frigori sequentem inflammationem excitasse; sæpe, etenim, ut ipse testari possum, viros cynanchi tonsillari proclives, dum adhuc sub frigido Jove sint, dolor, rubor, et faucium tumor adoriuntur. Temperiei effectus rationem gradus mutationis habere dicuntur

dicuntur. Hinc qui, ipso plurimum calefcente, certo cuidam frigoris gradui objicitur, plus detrimenti capiet, quam qui, parum calefcente, gradui eidem objicitur.

CAUSA PROXIMA.

In phlegmasia quavis gravi, sanguis missus, tunicâ coriaceâ albâ, post coagulationem, obducitur: quod Boerhaavio et aliis indicium aucti lentoris sanguinis visum est; lentor autem, sanguinis transitum per vasa extrema difficilem reddat, oportet; hinc ibi congestio sanguinis fieri necesse; quum autem inflammationis signa præcipua, tumor, scilicet, atque rubor partis, talem congestionem accidere arguant, inflammationem, ab obstructione, propter lentorem, ortam esse putabant. Huic inflammationis doctrinæ sat fit respondisse, quod tunica coriacea alba minime
lentoris

lentoris fit indicium ; quippe quæ, e contrario, à sanguinis aucta, propter vasorum, forsan, fortiorē solitâ actionem, tenuitate, crassamento tempus, ante coagulationem lymphæ, ad subsidendum præbente, originem ducit. Cullenus hac de lentore doctrinâ fugatâ, aliam ipse proposuit. Varia inflammationis phænomena, testes aucti in vasis inflammatis sanguinis impetus, ipsi visa sunt. Quum vero cordis actio non semper eodem tempore manifesto augeatur, impetus ille insolitus, ab aucta vasorum partis ipsius actione oriatur, necesse duxit. Sæpe hanc oriri a stimulantibus parti applicatis, fat apertum ; neque alia, præter auctam actionem, inflammationis causa proxima tunc quærenda est. Aliquando, tamen, stimulantium parti applicatio minime detegenda, neque illam accidisse verisimile videtur. Quæ cum ita sint aliam inflammationis causam quæramus, oportet. Hoc ut exequamur notandum est, ruborem, tumorem, atque a distentione dolorem demonstrare, quod insolitæ, quæ parti determinatur sanguinis copię transitui
per

per extremas arterias, quædam fit obstructio. Hinc ibi fit congestio, quam vis medicatrix naturæ amovere conatur, vasorum partis actionem augendo; quod, ut in omni alio exemplo ubi pyrexia adest, ita et in hoc ope spasmi in extremitate vasorum, efficit. Quæ jam dicta sunt duas Cullenum inflammationis doctrinas proposuisse demonstrant; quarum altera spasmum a viribus naturæ medicatricibus excitatum; altera auctam per stimulantia vasorum actionem, causam ipsius proximam esse docet. Cullenus, quando de naturæ viribus medicatricibus loquitur, nihil nisi nos de facto monere vult. Procul sint ergo, qui illi theoriam Sthalianam, quam ludibrio vertebat, tribuunt. Quæramus solummodo, si spasmus revera sit inflammationis causa: primo autem spasmi in inflammatione existentia probatione egeret. Præcipuum quo ad hoc credendum movemur argumentum a viribus frigoris in inflammatione excitanda ducitur. Frigus vi vasa hæmatophora constringendi potiri asseritur; indene igitur concludendum, quod

hanc excitando constrictionem inflammationem quoque excitet? minime, me iudice, constat. Frigus etenim, ut ipse Cullenus fatetur, vi stimulante, imo et vi sedativa fruitur. Porro siue ab actione aucta, siue ut doctrina nupera vellet, a vasorum debilitate inflammatio oriatur, hac duplici frigoris potestate sine ullo spasmo excitari possit. Jam vero, esto; fateamur, paulisper, spasmus existere: quid? ad inflammationem ciendam valebit? obstructione agat oportet; obstructio autem non semper ad inflammationem ciendam sufficeret; vasa etenim obstructa distensionem resistere possint, usquedum sanguis per ramos alios propter anastomosin evaderet. Negas adhuc? Legas Hallerum, qui ligaturam extremis arteriis imposuit; inflammatio sequebatur? minime. Legas Wilsonem, qui aliud huius simile experimentum instituit; filum ferreum calidum per telam pedis ranæ protrusit, inflammatio minime secuta est. “An obstruction, however, (si ipsius verbis uti fas sit) was produced, surely more than equal to what occurs in many

many inflammations of small extent." Pace igitur viri celeberrimi dixisse liceat, non satis constare spasmus, inflammationis esse causam proximam. Quid autem de altera doctrina dicendum? An aucta vasorum partis affectæ actio inflammationis causa proxima dicenda est? Hanc doctrinam subvertere Wilson nuper conatus est; cujus nonnulla argumenta hic prodam. Rubor, calor atque dolor partis ibi auctam sanguinis copiam esse probant. Quum autem in actione vasorum, propter fibrarum musculosarum contractionem, ipsorum areæ minuantur oportet; quommodo, tunc sanguinis copia in illis augeri possit? Præterea inflammatione in tellâ pedis ranæ atque in cuniculi mesenteria excitatâ, vasa ope microscopii inspecta dilatata fuere, ipsorum actio imminuta, sanguinis in illis circulatio vel tardissima, vel quibusdam locis omnino impedita. Vasa partis inflammatae ad fortem actionem iterum excitare conatus est. Tunc, in illis, quae excitare valebat, motum sanguinis augeri, vasorum areas imminui, ruborem atque tumorem

tumorem decedere cerneret. His argumentis, quibus doctrinam aucti impetus sanguinis, auctæque vasorum actionis obrui putabat, aliam stabilire aggreditur; scilicet inflammationem a mutatâ inter actionem vasorum partis inflammatae, et actionem cordis, vasorumque magnorum ratione solitâ naturali, oriri, vult. Hoc accidere docet, siue quando actio vasorum partis affectae minuitur, non eodem tempore minutâ, vel saltem non aequâ ratione, cordis actione vasorumque magnorum; siue iterum, quando cordis vasorumque magnorum actio augetur non aequâ ratione (etsi aliquatenus, imo et saepe multum) auctâ vasorum partis actione. Quisquis animum huic doctrinae, paululum, intendit, non illam a Cullenii doctrina multum distare videbit. Quoad locum etenim ubi dicitur inflammationem ortum, a minuta vasorum partis actione ducere; hoc in inflammatione chronica accidere Cullenus ipse docet; lege ipsius, in capite de rheumatismo, verba; “The phenomena of purely chronic rheumatism lead me to think, that

that its proximate cause is an atony both of the blood-vessels, and of the muscular fibres of the part affected." Talem fuisse inflammationem, quâ vasa microscopio inspecta laborabant, fat mihi verisimile videtur. Wilson autem ipse aliam esse speciem inflammationis fatetur, in qua vasorum partis affectæ, etsi non pari gradu ac cordis vasorumque magnorum, actio augetur. Si vero, uti ille (vol. 3. p. 109.) tenet, affectio totius systematis, in omni phlegmasia, ideoque aucta cordis et vasorum magnorum actio, ab aucta vasorum partis actione oriatur, nonne satis constat, illam auctam vasorum partis actionem inflammationis causam esse proximam? Non defunt alia, quæ de nupera hacce doctrina dici possint.

*Sed fugit interea, fugit irrevocabile tempus,
Singula, dum capti, circumveſtamur amore.*

METHODUS

METHODUS MEDENDI.

Præter resolutionem, vel suppurationem, non alia inflammationis optanda est terminatio; quique gangrænæ, vel schirro, vel effusioni sanguinis in pulmonum telam cellulofam optime obviam ire vult, resolutionem sæpius, suppurationem aliquando, promovebit. Quomodo hoc, igitur, efficiendum primo dicemus; postea quid faciendum si gangræna inflammationem exceperit. Ad resolutionem promovendam causæ remotæ, primo, removendæ; congestio in parte inflammata, auctæque circulationis, per totum corpus, vires, deinde, per remedia vel topica, vel generalia tollendæ. Remedia localia, quando inflammatio non adeo gravis sit, ut totum systema multum patiatur, sæpius ad resolutionem efficiendam satis valent. Imo, et in gravioribus etiam inflammationibus, pyrexia comitatis, multum auxilii afferunt; atque hoc
commodi

commodi habent, quod, dum ipsa corporis vires minime frangant, remediorum generalium, quæ talem effectum præstarent, necessitatem multum minuant. Remediorum localium divisio fieri potest in illa, quæ absque ulla fluidorum abstractione, vel in illa quæ fluida abstrahendo, congestionem tollunt. Priora illa sunt, quæ vel viribus astringentibus aut stimulantibus vasa ad sanguinem propellendum auxiliantur, vel viribus sedativis vasorum auctam actionem temperant. Sulphatis zinci, vel sulphatis aluminæ cum potassa, vel muriatis hydrargyri aut solutiones, aut pultacea; acidum acetosum, atque alkohol, utrumque aliquatenus dilutum, decocta aut quercûs cervis, aut corticis quercûs roboris, oleum terebinthinæ, camphora, atque alia inter remedia stimulantia vel astringentia enumerantur. Ad sedativa referuntur aëris frigidi vel aquæ frigidæ applicatio; infusum digitalis purpureæ, forsan atque tinctura opii. Remedia localia, quæ fluidorum abstractione agunt, sunt vesicatoria, atque sanguinis ope hirudinum vel cucurbitulæ

cucurbitulæ cruentæ, vel cultri incisorii detractio localis; quo proprius parti affectæ hæc fluidorum detractio fit, eo semper melius; aliquando, veluti in inflammationibus viscerum videre est, parte ipsâ extra manum jacente, parti integumentorum proximæ vesicatorium imponendum, ab illa sanguis detrahendus. Remedia generalia ad tres ordines referenda sunt; primo, scilicet, ad usum regiminis antiphlogisticis; secundo, ad evacuationes per sanguinis detractiorem liberam, generalem, per catharsin, per vomitum, per diaphoresin; tertio, ad usum remedium quorundam, quæ vi sedativâ generali potiri dicuntur. Regimen antiphlogisticum in lucis, caloris, strepitûs, aliorumque in sensus nimium fortiter agentium amotione; in mentis, atque corporis otio; in omnium evacuatione, quæ ventriculum et intestina, vel onere opprimunt, vel acrimonia irritant; in fitis restrictione; inque, tandem, abstinentiâ a potu quovis, vel cibo stimulante, constat. Sanguinis detractio libera, generalis, cæteris omnibus, quæ
vires

vires circulationis minuunt remedia, præstat. Huic igitur, in omni phlegmasia gravi, præsertim quando viscus quodvis nobile patitur, statim confugiendum, neque propter pulsus debilitatem, fractasve corporis vires ab illa semper abstinentum; talia etenim signa, multoties, ut in gastritide et enteritide videre est, nos de hujusce evacuationis larga, citaque necessitate monent. Minime, autem, sanguinis detractio ultra modum urgenda; quippe quæ mortem illis aliquando infert, quibus morbus pepercerit; quæ morbum acutum in chronicum pejoremve alium, aliquando vertit; quæque tandem gangrænam morbo supervenire nonnunquam facit. Senibus tenerisque maxime perniciofa est. Sunt in quibus phlegmasiis, imo quidem et gravibus, nihil utilitatis habet; scilicet quando inflammatio typhum excipit. Catharsis in omni ferme phlegmasia utilis est, præsertim si caput afficiatur. Dolendum quod in ventriculi atque intestinorum inflammatione, dum propter evacua-

D

tionem

tionem maximi foret beneficii, proper stimulationem nocere videatur.

Hiscæ autem in morbis enemata ipsius locum supplere quodammodo possunt. In cynanche maligna neque sanguinis detractio, neque larga catharsis adhibenda est. Vomitus autem, in omni cynanchis specie, tum propter ventriculi evacuationem, tum maxime propter diaphoresin, quibus causa est, utilis reperitur. In phrenitide vero, in gastritide, in pneumonia vomitus minime tentandus, quippe qui caput, pulmonesque versus, sanguinis determinationem, atque ventriculi irritationem augeret. Diaphoresis in rheumatismo copiosa, in cynanche atque pneumonia lenis, maximo beneficio est. In phlegmasiis vero plurimis, etsi quando ultro adfit promovenda, raro arte excitanda est. Diaphoresis, nisi quando fluida atque generalis, nunquam utilis reperitur. Digitalis, atque medicamina, quæ nauseam, absque vomitu, movere valent, quippe quæ circulationis

circulationis vim minuant, in phlegmasiis sæpe laudantur. Aliquando, in phrenitide præsertim, multum valet, ægri si corpus erectum teneatur. In viscerum inflammatione suppuratio fugienda est. Quando, autem, supervenerit illis, neque mors statim sequatur, vel abscessus externe aperiendus, vel si hoc fieri nequit, puris absorptio, digitalem adhibendo promovenda est. In inflammatione externâ, quando suppuratio ex voto est, promovebitur pultaceis atque fomentationibus calidis; neque, cum res ita sit, vasorum actio nimium minuenda est; neque, ut nimium fortis sit, concedendum. Suppurationi etenim actio necessaria videtur, quæ minime validissima sit, sed quæ naturali præstet. Cum gangræna externe aggrediatur, pars mortua, suppurationem in terminis partis sanæ excitando, removeatur, oportet. Vires, eodem tempore, ope cinchonæ officinalis, opii, vini, cibique lauti, sustinendæ; nisi equidem ut aliquando fit, gangræna parti supervenerit, dum
systema

systema adhuc a nimia vasorum actione patiatur. Tunc a roborantibus abstinendum, donec diathesis phlogistica decesserit. Omnium internarum partium (præter fauces) gangræna ægro exitio certo est. Gangræna faucium eodem ferme, ac gangræna externa, modo, sanatur.

FINIS.



EX TYPOGRAPHEO ACADEMICO.

DISSERTATIO MEDICA

INAUGURALIS

DE

DIABETE MELLITO
